

書名 藝文類聚一百卷 嘉靖中天水胡纘
宗刊本
撰者 唐 歐陽詢 撰
卷 卷十三
內容分類 子 類書 彙考 唐五代
索書號 子部 類書 2
編號 C5912500

卷十三

藝文類聚卷第一

唐太子率更令弘文館學士歐陽詢撰

天部上 天 日月星雲風

天

大哉乾元萬物資始乃統天雲行雨施品物流形大明終始六位

時成 乘六龍以御天乾道變化各正性命 又曰立天之道曰陰與陽

又曰 人行健 尚書曰乃命羲和欽若昊天 又曰皇天震怒命我文考

肅 禮記曰天地之道博也厚也高也明也悠也久也日月星辰

繫 物覆焉 論語曰天何言哉四時行焉百物生焉 老子曰天得

一 春秋繁露曰天有十端天地陰陽水土金木火人凡十端天亦

喜 哀樂之心與人相副以類合之天人一也 爾雅曰穹蒼蒼天

也 天夏為昊天秋為旻天冬為上天 春秋元命苞曰天不足西

九故天周九九八十一萬里 渾天儀曰天如雞子天大地小

水地各乘氣而立載水而浮天轉如車轂之運 黃帝素問曰

彩色首頁1

東洋文化研究所漢籍目錄 編號: C5912500

東洋文化研究所漢籍目錄所藏漢籍善本全文影像資料庫 索書號: 子部 類書 2

漢籍善本全文影像資料庫文本藝文類聚一百卷 嘉靖中天水胡纘宗刊本

版權所有: 東京大學 東洋文化研究所

使用上的注意事項



累代乃作銘章其辭曰恭惟大行配天建德陶元二化風流萬國立我蒸
民宜此儀則厥初生民三五作剛載藉之盛著於虞唐恭惟大行爰同其
光自昔何爲欽明允塞恭惟大行天覆地載無爲而治冠斯往代往代崎
嶇諸夏嬗命爰茲發號民樂其政奄有萬國民臣咸秩大孝備矣闕宮有
洫由昔姜嫄祖妣之室本枝百世神契惟一彌留不豫道揚末命勞謙有
終實惟其性衣不制新犀王遠屏履和而行威稜上古洪澤滂流茂化沾
溥不憖少留民斯何怙欵欵成雲泣涕成雨昊天不弔喪我慈父後漢
崔瑗和帝誄曰玄景夜曜雲物見徵馮相考妖遂當帝躬三載四海遏密
八音如喪考妣擗躑號吟大隧既啓乃祖玄宮永背神器升遐皇穹長夜
冥冥曷云其窮

藝文類聚卷第十二

藝文類聚卷第十三

帝王部三 魏武帝 魏文帝 吳大帝 晉武帝 晉元帝

晉成帝 晉康帝 晉穆帝 晉簡文帝 晉孝武帝

宋武帝 宋孝武帝

魏武帝

魏志曰太祖武皇帝沛國譙人諱操字孟德漢相曹叅之後也時曹騰爲
中常侍大長秋養子嵩嗣父嵩官至太尉太祖少機警有權數而任俠放
蕩不治行業故世人未之奇也唯梁國喬玄南陽何顓謂太祖曰天下將
亂非命世之才不能濟也能安之者其在君乎初相帝時有黃星見於楚
宋之分遼東殷墟善天文言後五十歲當有真人起於梁沛之間其鋒不
可當也至是凡五十年而公破袁紹天下莫敵矣魏陳王曹植武帝
誄曰於惟我王承運之衰神武震發群雄殄夷拯民于下登帝太微德美
且顯功越彭韋九德光備萬國作師寢疾不興聖體長歸華夏歛淚黎庶
含悲神翳功顯身沉名飛敢揚聖德表之素旌乃作誄曰於穆我王曹稷

胤周賢聖是紹元懿允休先侯佐漢實惟平陽功成績著德昭二皇民以
寧一興詠有章我王承統天姿時生年在志學謀過老成奮臂奮邦擲身
上京表與我王兵交若神張陳昔誓傲帝虐民擁徒百萬虎視朔濱我王
赫怒戎車列陳武卒虓鬪如雷如震攬槍北掃舉不浹辰紹遂奔北河朔
是賔振旅京室帝嘉厥庸乃位丞相惣攝三公光受上爵臨君魏邦九錫
昭備大路火龍玄監靈蔡探幽洞微下無偽情姦不容非敦儉尚古不玩
珠玉以身先下民以純樸聖性嚴毅平修清一唯善是嘉靡疏靡昵怒過
雷霆喜踰春日萬國肅虔望風震慄既惣庶政兼覽儒林躬著雅頌被之
瑟瑟茫茫四海我王康之微微漢嗣我王匡之群桀扇動我王服之喁喁
黎庶我王育之光有天下萬國作君虔奉本朝德美周文以寬克衆每征
必舉四夷賓服功踰聖武翼帝主世神武鷹揚左鉞右旄威凌伊呂年踰
耳順體愉志肅軋軋庶事氣過方叔宜並南嶽君國無窮如何不弔禍鍾
聖躬棄離臣子背世長終兆民號咷仰懇上穹既以約終令節不衰既即
梓官躬御綴衣璽不存身唯紼是荷明器無飾陶素是嘉既次西陵幽閨

啓路群臣奉迎我王安厝窈窕玄宇二光不入潛闈一扇尊靈永蟄聖上
臨穴哀號靡及群臣陪臨佇立以泣去此昭昭於彼冥冥永棄兆民下君
百靈千代萬葉曷時復形策文魏文帝爲武帝策文曰痛神曜之幽潛
哀鼎俎之虛置舒皇德而詠思遂膈臆以莅事矧乃小子夙遭不造煢煢
在疚嗚呼皇考產我曷晚棄我曷早群臣子輔奪我哀願猥抑奔墓俯就
權變卜葬既從大隧既通漫漫長夜窈窕玄宮有晦無明曷有所窮幽簿
既整三官駢羅前驅建旗方相執戈棄此官庭陟彼山阿

魏文帝

魏志曰文皇帝諱丕字子桓武帝太子也爲五官中郎將嗣丞相爲魏太
子太祖崩繼位爲丞相魏王延康元年受禪于漢爲帝初帝自許昌南征
諸軍兵並進孫權臨江拒守帝幸廣陵收城臨江觀兵戎卒十餘萬旌旗
數百里江表傳曰魏文帝出廣陵欲伐吳臨大江歎曰吳據洪流且多
糧穀魏雖武騎千隊無所用之乃還吳錄曰魏文帝至廣陵臨江觀兵
見波濤洶涌歎曰此固天之所以隔南北也遂歸魏陳王曹植文帝

誅曰天震地駭崩山墮霜陽精薄景五緯錯行衰殊喪考思慕過唐辨躄
郊野仰翹穹蒼考諸先紀尋之哲言生若浮寄德貴長傳朝聞夕逝死志
所存皇雖殪沒天祿永延何以述德表之素旂何以詠功宣之管絃乃作
誄曰元光幽昧道究運遷亂起曆數簡聖授賢乃眷大行屬以黎元龍飛
踐祚合契上玄五行定紀改號華年明明赫赫授命自天風偃物化德以
禮宣詳惟聖質岐嶷幼齡研幾六典學不過庭潛心無內抗志高明才秀
藻朗如玉如瑩聽察無響視覩未形其剛如金其勁如瓊如冰之潔外砥
之平爵功無重戮違無輕心鏡萬機鑒照下情宅土之中率民以漸道義
是圖弗管厥險六合通同齊契共檢導下以純民由樸儉緋冕崇麗衡統
惟新尊肅禮容瞻之若神方牧妙舉欽於恤民虎將荷節鎮彼四隣朱旗
所勦九壤披震疇克不若孰敢不臣懸旌海表萬里無塵回回凱風祁祁
甘雨稼惟歲豐登我稷黍家佩惠尹戶蒙慈父在位七載九功仍舉將承
太和絕跡三五宜作物師長爲神主壽終金石等筭東父如何奄忽摧身
后土俾我兢兢靡瞻靡顧嗟嗟皇穹胡寧忍予明鑒吉凶體達存亡深垂

典制申之嗣皇聖上虞奉是順是將乃啓玄宇基于首陽擬跡穀林追堯
纂唐合山同阪不樹不疆塗車鞠靈珠玉靡藏首神警侍賓于幽堂於是
侯大隧之致功陳元辰之淑禎潛華體於梓宮憑正殿以居靈悼晏駕之
旣俟感容車之速征浮飛魂於輕霄就黃墟以藏形背三光之昭晰歸窳
窳之冥冥嗟一往之不返痛闕闕之長扃
魏陳王曹植慶文帝受禪
章曰陛下以聖德龍飛順天革命允荅神符誕作民主乃祖先后積德累
仁世濟其美以暨于先王王勤恤民隱劬勞戮力以除其害經營四方不
遑啓處是用隆茲福慶光啓于魏陛下承統續戎前緒克廣德音綏靜內
外紹先周之舊跡襲文武之懿德保大定功海內爲一豈不休哉 又慶
文帝受禪上禮章曰陛下以明聖之德受天顯命良辰即祚以臨天下洪
化宣流洋溢宇內是以溥天率土莫不承風欣慶執贄奔走奉賀闕下况
臣親體至戚懷歡踴躍
魏文帝讓授禪表曰臣聞堯禪重華舉其克
諧之德舜授文命采其齊聖之美猶下咨四岳上觀璇璣今臣德非虞夏
行非二后而承曆數之詔應選授之命內自揆撫無德以稱且許由疋夫

猶拒帝位善卷布衣而逆虞詔臣雖鄙蔽敢忘守節 魏辛毗等勸進表曰古先聖王所以受天命而不辭者誠急於蒼皇天之意副四海之望不得已也 魏相階等勸進表曰臣等以為天命不可稽神器不可贖昔周武中流有白魚之應不待濟而大號以建舜受禪大麓桑陰未移而已陟帝位所以祗承天命者若此之速也故無固讓之義不以守節為貴必信於神靈而符合於天地也

吳大帝

吳志曰孫權字仲謀漢以孫策遠修貢職遣使者劉琬加錫命琬語人曰吾觀孫氏兄弟雖各才秀明達然皆祿祚不終唯中弟孝廉形兒奇偉骨體不怕有大貴之表又最壽策薨以事授權 江表傳曰堅為下邳丞時權生方頤大口目有精光堅異之以為貴象及堅亡策起事江東權常隨從性度弘朗仁而多斷好俠養士 吳曆曰曹公出濡須權數挑戰乃自乘船從濡口而入公見舟船器仗徒伍整肅喟然歎曰生子當如孫權為劉景升子若狔犬耳 吳志曰孫權屈身忍辱任才尚計有勾踐之英奇

人之傑矣故能自擅江表鼎峙之業性嫌忌果於殺戮既於末年彌以滋甚至于讒說殄行亂嗣廢斃豈所以貽厥孫謀以燕翼子者哉其後葉凌遲遂致覆國未必不由此也 晉陸機吳大帝誄曰我皇明明因天寔生體和二合以察三精濯暉育慶懷詳載榮率性而和因心則靈厥靈伊何克聖克仁茂對四象克配乾坤齊明日月考祥鬼神誕自幼冲淑折宿照甄化無形探景絕曜巍巍聖姿文武既俊有覺德徽兆民欣順將熙景命經營九圍登跡岱宗班瑞舊圻上玄匪惠早零聖暉神廬既考史臣獻貞龍輻啓殞霄載紫庭辰旒飛藻凶旗舉銘崇華熠爍翠蓋繁纓千乘結駟萬騎重營簫鼓振響和鑿流聲動軫闔闔永背承明顯步萬官幽駢百靈隨化太素即宮杳冥億兆同慕泣血如零

晉武帝

王隱晉書曰世祖武皇帝文帝太子也文帝初開晉國立為世子拜撫軍大將軍嗣相國文帝崩魏帝命上為相國晉王十一月受禪于魏有獻雉頭裘者上曰異服奇伎典制所禁也宜於殿前燒裘上與羊祜張華謀伐

吳朝士莫知也。潛乃籌量虛實為戰備。孫皓西縛輿，觀降有司。奏晉德隆茂光，被四表。吳會既平，六合為一。宣勸封岳，以彰聖德。詔曰：此盛德之事，所宜未議。帝譜曰：世祖武皇帝諱炎，字安世。晉潘岳世祖武皇帝誅曰：粵若稽古帝皇，誕受休命，作我晉室。赫赫文皇，配天並日。大行龍飛，創制改物，沉恩汪濊，流澤洋溢。上齊七政，下綏萬邦。四門穆穆，五典克從。惟清緝熙，於變時雍。愛盡事親，教加百姓。于喪過哀，在祭餘敬。后蠶冕服，躬籍桑盛。六伐畢奏，九功咸詠。行敦醜樸，思貫玄妙。莅政端位，臨朝光曜。胄子入學，辟雍宗禮。國老恂恂，貴遊濟濟。莫孝匪子，莫悌匪弟。化自外明，訓法以禮。獮彼吳楚，稱亂三代。世歷五僞，年幾百載。邊垂虔劉，王化阻闕。羽檄星馳，鉦鼓日戒。帝御群師，奉辭奪旅。腹心庭爭，爪牙疑沮。天監獨照，聖策乃舉。朝服濟江，止戈曜武。野無交兵，役不淹月。僭号歸命，稽顙晉闕。邪界蠻流，傍納百越。表閭旌善，德音爰發。虞人獻箴，周書垂誥。酒懼其彝，獸戒其冒。干我人行，縱心所好。動不踰矩，性與道與。厭厭酣飲，樂不辨顏。栢栢振旅，田無遊盤。我德如風，民應如蘭。靡不夙夜，無敢宴安。務農望歲。



時或不稔，小心翼翼。恤民以甚，御坐不怡。撤膳賑廩，西流垂精。南金仰施，永言孝思。天經地義，問誰贊事。英彥髦士，問誰翼侍。博物君子，潛明神鑒。從衆屈已，道濟群生。為而不恃，先天弗違。後天降時，萬物熙熙。懷而慕思，顛顛縉紳。不謀同辭，巖巖岱宗。想望翠旗，恭惟大行。功成不居，議寢封禪。心栖冲虛，策告不足。太平有餘，七十二君。方之覆如，思樂天德。等壽嵩華，如何寢疾。背世登遐，遷幸梓宮。孤我邦家，龜筮既襲。吉日惟良，永指太極。寧神峻陽，群后擗躄。長訣輻輳，聖靈斯顧。豈伊不傷，家無遠邇。邦靡小大，四海供職。同軌畢會，茫茫源野。亭亭素蓋，編輅解駕。白虎弭旒，龍輅即定。玄闕載扃，如天斯崩。如地斯傾，哀哀庶寮。策策自愍，彼蒼者天。胡寧斯忍，聖君不返。我獨旋軫。晉張華武帝哀策文曰：感大饗之無虧，哀罇俎之虛設。叩龍輅以長叫，痛靈輶之潛逝。其辭曰：欽惟皇考，體道之真。德侔乾坤，齊曜三辰。應期登禪，協于天人。上虔郊祀，下惠兆民。憲章唐虞，允得其津。搜揚仄陋，故老是賓。百揆時序，盛業日新。恩從雲翔，威猶震震。江海靜波，岷岳無塵。四夷率服，莫不來臣。肅慎奉貢，越裳効珍。化此弊俗。

歸之至淳皆在上聖咸享百年哀哀皇考用不是臻遘厲彌侵景命殞顛
舍此昭晰即彼幽玄仰瞻靡怙廓若無天終制尚儉率由典度華幕弗陳
器必陶素不封不樹所在惟固貽法來世是則是慕大隧既啓吉日將征
鐘鼓雷震白虎抗旌龍螭驤首良駟悲鳴倡者振鐸挽夫齊聲背此崇殿
將適下庭玄宮窈窕脩夜冥冥光燈永戢幽闈長扃仰訴皇穹零淚屏營
云誰能忍寄之我情結心墳隴永憑聖靈

晉于寶晉武革命論曰帝
王之興必俟天命苟或代謝非人事也文質異時興建不同故古之有天
下者栢皇粟陸以前爲而不有應而不求執大象也羲黃世及以一民也
堯舜內禪體文德也漢魏外禪順大名也湯武革命應天人也高光爭伐
定功業也各因其運而天下隨時隨時之義大矣哉古者敬其事則命以
始今帝王受命而用其終豈人事乎其天意乎

晉元帝

晉中興書曰中宗元皇帝諱睿字景文世祖咸寧二年生于洛陽初誕有神光之異一室盡明所籍藁如始刈及長白毫生日角之左眼有精曜唯



侍中譙國嵇紹少而異之謂其友曰琅琊王毛骨非常殆非人臣之相惠
帝幸臨漳中宗從駕是時中宗叔父東安王繇爲成都王穎所害懼禍及
謀出奔其夜月明禁衛甚嚴不能得去有頃天暴風雨晦暝微者四散中
宗間得脫及遷鎮建業以顧榮爲軍司馬禮接名豪設官分職隱恤士庶
百姓歸心焉初性好酒王導深以爲誡乃命左右進觴躬引覆之自是不
復飲也愍帝爲胡賊劉粲所沒中宗素服出次舉哀三日於是百僚稱上
尊號帝固讓百僚又固請中宗慨然流涕曰吾本琅琊王諸賢見逼不已
乃呼私奴命駕將反國群臣不敢復逼乃求依魏晉故事爲晉王許之愍
帝崩于平陽百僚更上尊号是日即皇帝位

晉陽秋曰太安中童謡曰
五馬浮渡江一馬化爲龍永嘉大亂王室淪覆唯琅琊西陽汝南南頓彭
城五王獲濟至是中宗登柞先是五鐸見于晉陵靈數玄感若合符契

晉郭璞元皇帝哀策文曰永惟殿宇之廓寂悲彝莫之莫歆感鸞
輅之晏駕哀哀表之委衿痛聖躬之遐往長淪景於太陰乃作策曰王之
不極百六作艱鴉集瓊林鯨躍神淵懷愍失據海覆岳巔蠹蠹六合罔不

倒懸靈慶有底見龍在田誰其極哉我后先天大人承運重明繼作撫征
淮海駿命再廓仁風旁靡神化潛鑠處冲思挹居簡行約聖敬日邁玄心
逾漠用物與能惣攬群略林無滯才山無遺錯恩靡不懷化靡不被茫茫
海域欵塞慕義萬里同塵罔匪王隸熙熙遺黎莫知其寄括終宇宙混同
天地曰功永年曰德慶隆奈何氛厲奄集聖躬大業未恢皇齡未中天憐
其景崑頽其崇榮筑小子藐藐孤冲靡天何戴靡地何憑恍惚極慕若存
若終蕤焉無聞廓焉長寂聆音靡晞瞻顏失覲窮號曷訴叩心誰告何悲
之哀何痛之酷嗚呼我皇逢天之戚嗚呼哀哉眇然升遐即安玄室煌煌
火龍赫赫朱鞞終焉永潛曷其有出明訓長絕小子何述望阜增欷臨崩
慟慄哀兼陟方痛過退密靈爽安之反真復質永合元漠終始得一
晉元帝答劉琨等令曰今方岳牧伯之任股肱腹心之臣萬邦之內九服
之外咸見翼戴以隆天威是用辭不獲已而居王位尋覽所陳弘旨優遠
孤方當匡復帝祚豈可猥居極位昔有夏克復賴靡艾之勳周宣中興由
中邵之佐二公鎮御幽朔忠以衛上建功極難實憑遠略夷難雪耻於是

乎在 晉劉琨勸進元帝表曰否泰之運古今迭有宗子有明德曷常
不由多難以隆中興故猥狃殘周以啟 宣王巨猾竊漢乃發光武陛下天
授至德聰明神武勞謙恭已卑以自牧體伯禽經營之誠行公旦吐握之
事上崇勤王之義下垂庇民之量收羅後又任賢以能綏爰陝東化流無
外戎狄荒服請事率職重譯納貢不遠 萬里功高德邵遐邇歸心况陛下
道邁大宗勳莫與二且以親以賢義實兼之是以琨敢緣天文人事徵祥
之應昧死上事以奉尊號願陛下無常心以群心為心忘其身以萬物為
公則宗廟蒸嘗不替於今逆虜通寇一討而滅無負於天下無愧於七后
矣 又表曰臣聞台宿在天實承辰極股肱雖卑同體元首臣負乘前朝
過充三吏國之崇替有與憂喜臣聞德合兩儀者固以四海為公智周萬
物者不以一身為私舜禹揖讓以陟帝位湯武征伐以濟時難彼四王者
邁會不同登受有異至夫外已存物憂世遺躬其致一也期於愛民治國
應變合道以為天下利而已矣况宗廟是陛下之宗廟百姓是大晉之百
姓耶陛下若忽七廟之重拒天人之心絕而不繼困而不拯則宗廟不歆

其禋祀群生無所措其手足矣况臣班具臣之列荷累世之恩上懷國家之統俯絕烏鳥之情者哉昔伍員發怒手撻平王之墓灌夫慷慨身塞吳淠之旗皆能宣其臣節據其私忿戮尸斬將存亡固恨臣誠無若人之才實有此人之憤苟得上憑天威展其微効雖隕九泉猶以明白 又表曰陛下之躬執謙光允恭克讓俛從吏議示揔萬機布曠蕩之詔開自新之路海隅漸惠朔南暨聲有生之倫咸被嘉慶陛下量包宇宙明侔三辰靈祇稽應華戎同戴加以王室中微邦基將絕遺民元元屬命陛下陛下以德則無所與讓言事固所負荷誠宜遺小禮存大務援據圖錄居正宸極上副祖宗之心下一兆庶之望臣聞必也正名前聖大之春秋傳曰名以出信名苟不正則事有不從信苟不立則禮義或愆乃載籍之明誠開塞之所由也 又表曰臣聞天生蒸民樹之以君所以對越天地司牧黎元聖帝明王鑒其若此知天地不可以無饗故屈其身以奉之知黎元不可以無主故不得已而臨之社稷時難則戚蕃定其傾郊廟或替則宗哲纂其祀所以弘振遐風式固萬世自元康已來艱禍繁興永嘉之際氛厲

彌昏宸極失御登遐醜裔國家之危有若綴旒天不悔禍大灾荐臻國未亡難寇害尋興逆胡劉曜縱逸西都王上幽劫復沉虜庭神器流離再辱荒逆臣每覽史籍觀之前載厄運之極古今未有在食土之毛含氣之類莫不叩心絕氣行號巷哭况臣荷寵二世位厠鼎司承問震惶精爽飛越臣聞昏明迭用否泰相濟天命無改曆數有歸或多難以固邦國或隱憂以啓聖明是以齊有無知之禍而小白爲五伯之長晉有驪姬之難而重耳以主諸侯陛下玄德道於神明聖姿合於兩儀應命世之期紹千載之運符瑞之表天人有徵中興之肇圖讖垂典自京畿殞喪九服崩離陛下撫寧江左奄有舊吳柔服以德伐叛以刑抗明威以懾不類杖大順以肅宇內純化旣敷則率土宅心義風旣暢則遐方企踵昔少康之隆夏訓以爲美談宣王之興周詩以爲休詠况茂勳格于皇天清暉光于四海蒼生顯顯莫不欣戴聲教所加願爲臣妾者哉且宣皇之胤唯有陛下億兆攸歸曾無與二天祚大晉必將有主主晉祀者非陛下而誰是以邇無異言遠無異望謳歌者無不吟詠徽猷獄訟者無不思于聖德天地之際旣交

華裔之情允合一角之獸連理之木以為休徵者蓋有百數冠帶之倫要
荒之衆不謀而同辭者動以萬計是以臣等敢考天地之心因幽夏之趣
昧死上尊号願陛下存舜禹至公之情狹巢由矯抗之節以社稷為務不
以小行為先以黔首為憂不以克讓為事上以慰宗廟乃顧之懷下以釋
普天頓首之望臣聞尊位不可久虛萬機不可久曠虛之一日則尊位以
殆曠之決辰則萬機以亂陛下雖欲遠巡其若宗廟何其若百姓何

晉成帝

晉中興書曰顯宗成皇帝諱衍字世根肅祖長子也即位後蘇峻及祖約
阻兵作逆詔庾亮下壺距之戰于青谿壺等敗績壺死之亮奔江州共陶
侃溫嶠率衆下討峻臨陣斬之策文晉成帝哀策文闕撰人姓名曰宸極寥
廓聖靈遐之哀備物之虛在痛永往之無期乃命史官述德寄辭其辭曰
五德代興素靈啓曜離光疊曜三辰重照明我皇含貞挺妙玄秀夙達
履德罔違鳳樓遐邈神宇凝夷文明外潤仁簡內綏舉無遺中鑒無幽微
韻隆汾陽道倅垂拱靜恭清穆宣功日用疊疊神軌固天攸縱爰在陽九

皇綱中替姦豎肆逆牢羅失衛升降艱難協應神契靈祚既保顯揚天命
雲霧朝晞兩儀開鏡訓詔阿衡虛已納正九功潛流七德將表方振宏羅
稜威電掃芟蕩神衢一我王道昊天不弔降茲大悔天傾其儀地覆其載
大業未究神爽遷背哀貫三靈痛流萬代爰初不豫大漸在躬啓手歸全
神氣夷冲凝哉達識體正履終袞龍既襲玉容斯幽登醪虛設觴爵靡酬
墳牘莫啓聖跡誰修真冥我皇神焉何遊撫膺遐叫迸涕交流三筮告期
將歸陵墟陞殞羽翼庭納龍輿玉輪動運錫鸞鳴衢錫旆徘徊六驥踟躕
輕雲蔭軌流風翼車哀哀同軌嗒嗒輓夫長號永慕泣涕連如大塊獨運
終歸其始我后永往寧神千祀悠悠上天執執惟已眇然靡憑廓焉無恃
目範令儀徽音在耳

晉康帝

晉中興書曰康皇帝諱岳字世同成皇帝崩上即位憂哀不忍言政一委
中書監庾冰策文晉康帝哀策文闕撰人姓名曰感廣廈之空寂悲俎奠之
虛陳痛皇神之邈遠哀靈景之長泯仰瞻宸極俯憑鸞軒五情摧烈憂號慟

煩冤遂命國史述德銘勲事以言顯功以名存其辭曰招拒降靈篤生我
 皇岐嶷妙哲幼有珪璋含真發曜蘭風載芳厥初肇建宗國是胤祗承師
 友執心淑慎微猷愷悌金質玉潤固天所啓應茲靈運入繼皇祚龍騰鳳
 迅因假任物惟精委順穆穆我皇風流凝廣聰鑒遐照思心內朗應變無
 方從善如響矩儀可慮法物可象覆燾群生靡物不養如何一旦神遊靈
 爽仰攀擗踴觸物咸想卜吉有期將即玄冥太常既建千乘列庭皓皓與
 服翩翩素旌笳簫寥列輓夫齊聲六驥躊躇蕭蕭悲鳴是用增哀雨泣霑
 纓痛貫五內哀切三情道隆名貴德享彌光灼灼皇猷終然允臧垂美兆
 祀芳風休揚

晉穆帝

晉中興書曰孝宗穆皇帝諱聃字彭子康帝子也崩時年十九
穆帝哀策文 闕撰人姓名 曰欽明文思允恭克讓忽若布衣忘其衿尚體有示
 無德克神王冕旒兩楹委政元輔內倚公且外仗尚父郁哉惟文赫斯惟
 武西廓岷河北清伊渚園陵聿修舊京式叙方振長慧風掃天宇休牛歸

馬卷旗卧鼓俾我蒸民擊壤容與昊天不弔奄背率土哀同遏密痛方創
 鉅日月不居神道之幽三辰吉良五謀同休祖載華庭晏駕崇丘俯執饋
 奠仰攀龍輶岌岌黼翼飄飄素旂感想平昔人懷崩抽號聲如震灑涕成
 流

晉簡文帝

晉中興書曰太宗簡文帝諱昱字道方中宗少子也
 以雄盛入輔係以廢立帝雖登祚內不自安初熒惑入太微尋廢海西公
 至是熒惑猶在太微帝惡之謂郗超曰命之修短大所不計故無復往日
 事耶超云大司馬溫方內固社稷外布經略非常之事臣以百口保之起
 假還東帝謂之曰致意尊公家國之事遂至於此由吾不能以道匡樹思
 患豫防媿歎之深言何能喻又誦庾闡詩云士痛朝危臣哀主辱泣下沾
 衣漣如相續續晉陽秋曰帝弱而惠異中宗深器焉及長美風姿好清
 言舉心端詳器服簡素與劉惔王蒙等為布衣之遊
晉簡文帝哀策文 闕撰人姓名 曰同軌畢至內外成列素旗宿懸輶轡首轍執祖行於前殿

奉靈輿而遷逝悲神宇之長違痛聖儀之幽翳攀龍輶以號慕撫素膺以泣血爰命史臣叙述聖德揚德音於飛旌寫哀心于翰墨乃作策曰淳耀發暉皇曆攸膺聖祖啓運哲王遐承恭哉元后光我中興天基徙構朝陽再升皇矣聖考合一履中道心玄玄文明內融湛湛神儀穆穆靈風望之凝秀即之深冲爰在初齡至性自然水鏡一世堂堂重玄悄悄素庭翳若丘園遂阿王室婉跡經綸時有汗隆道無屈伸如彼平流泯矣其津大過之時皇德不競天人革心謳歌徒詠時惟伊霍輔運以政欽若昊天祗此明命龍飛九五饗茲萬國居宗舉契允恭玄默綢繆哲輔虛已仗德天明方曜離暉翳朗玄化誰陶蒼生曷仰四運忽其遙邁日月飄以飛沉將寧神於玄宇遷玉輅於中林昔華殿之昭晰即幽隧之重深奉神觀以永訣邈終天而莫尋神恍惚其若寄泣橫墜以流襟

晉孝武帝

晉中興書曰烈宗孝武皇帝諱昌明中宗第三子也
晉王珣孝武帝哀策曰同軌畢至百司肯亞法物夕
陳輻輳夙駕親執饋奠長號永夜

懼誠刻之端盡哀良辰之莫借悲官宇之寥廓痛聖儀之幽化夫至德無名固理絕稱謂然祝史陳辭亦臣子所貴寄窮情於翰墨庶遺塵之髣髴

其辭曰惟皇作極五德迭胤康實復夏武亦隆晉魯魯太宗希夷其韻鏡

之者玄撫之者順於穆皇考嗣徽絕軌前聖後哲契合一揆心去其代行

遺其美廢華任誠捨筮存旨惟深通志群方咸秩惟幾成務能事斯畢末

若我皇至則不疾恢恢天網疏而莫失居有以虛宰多以少簡則可從易

則不擾信及豚魚澤被億兆湛然司契坐一八表園陵既衛威靈赫赫子

來既構寢廟弈弈武曰止戈戎不極役文教聿脩有耻且格跡有遠邇感

無高深道之所被改色革音皓獸馴苑素羽棲林殊柯通理異蒂同根方

融玄液陶鑄斯民雲韶候奏比屋思淳積祐莫應天罰菴臻太山頽構洪

瀆竭津何殃之甚何酷之殷自罹旻凶二氣代變霜繁廣除風迴高殿帷

幘空張肴俎虛薦極聽無聞詳視罔見人神道殊吉凶有禮龜筮叅謀疑

隧告啓史臣考古警者在陛攀援忪忪惟兄及弟龍輿肅以引邁前纏紛

以抗旒城闕儼以整列馳道亘以通修感乎昔之所幸豈斯路之復由輓

哀唱以翼衡駟悲鳴而顧
軌違華宇之晰晰即永夜之悠悠奉靈櫬而長
訣緬終天而莫收訢穹蒼
以叫踊洞五內其若抽儻性命之可贖甘人百
於山丘茫茫大運靡始不
終哲王遺世貴在道融昭哉我皇萬代流風良
史式述德音永隆

宋武帝

徐爰宋書曰武皇帝彭城
縣綏興里人夜生有神光之異室內盡明是夕
甘露降于墓樹少嘗遊下
邳遇一沙門于逆旅舍沙門言及中原多故因
云江表尋復喪亂能拯之
者其唯君乎其意甚切至初高祖患手創積年
未瘳沙門因出懷中黃散
一裹留之沙門既去高祖追而望之倏忽不見
以散治創一傳而愈餘散
寶錄之每被金創輒用有驗高祖舉目瞻睇常
見二龍在焉始尚微小及
貴龍形漸長光色轉明左右侍者亦數見徵異
晉陵人韋藪少以占相為
事其言多驗嘗相高祖曰君當位至方伯久之
又曰君相轉進貴不可言
唯願富貴無相忘高祖北征至洛陽常有紫雲
見於軍上 沈約宋書曰 帝諱裕字德興小字寄奴初為冠軍孫司馬桓

玄纂帝位遷天子於潯陽相修入朝
高祖從至京邑玄見高祖語司徒王
謚曰昨見劉裕風骨不恒蓋人傑也
上清簡寡欲嚴整有法度未嘗視珠

玉輿馬之飾後庭無絲竹之音寧州
嘗獻琥珀枕光色甚麗將北征以琥
珀冶金創上大悅命擣碎分賜諸將
平關中得姚興從女有盛寵以之廢
事謝晦諫即時遣出宋臺建有司奏
東西堂施局脚牀銀塗釘上不許使

用直脚釘用鐵孝武帝大明中壞上
所居陰室其處起玉燭殿與群臣觀
之床頭有土障壁上挂葛燈籠麻蠟
拂侍中袁顥盛稱上儉素之德故能

光有天下克成大業者焉 宋謝
靈運武帝誄曰九有同悲四海等哀
矧伊下臣思戀徘徊敢遵前典式述
聖徽乃作誄曰舜潛歷巖高晦泗渚

龍德而隱風積乃舉皇之遁世屯難
方阻眷此區寰閔爾淪胥太元之季
權威携薄隆安之初王相蒙弱嶽牧
糾虔朝廷紛錯妖橫乘隙蛟噴鯨躍
既擾輿區遂斥帝廛亂離斯瘼不後
不先寔賴明哲授手康旃紀度廻薄
餘分成閩舊晉中微偽楚籍躡躡彼
潛機整此英陣推亡必朽固存斯振
盧循負險肆慝遐嶺殄我江豫迫我
臺省民既搖蕩國將遷鼎乘騶歸轅

式固皇境弘危濟險弭難釋殆虎騎
昔去洛汭息肩江止世更十君年踰
類國誰耻夏典載禹九道是行商誥
仗鉞伐鼓赫赫明明乃勅衆師竟執
席卷秦郊復禮前塋雪愧舊朝既清
業盛曩代惠侔大造澤及四海功格
貢金竹鬢首冠弁穿宵斂服寒宥欣
是人事自天所祐甘露芝草祥雲瑞
頌同音今之所應幽顯一心宋克虞
維開張九流昭明敦儉務素欽賢愛
雨未弘將陟井陘薄掃白登北朔渴
地不仁蒼生寡福已荷一遇棄我何
土咸哀殊方均服藥藥素緣灑淚成
龜無遠遷靈有期嗣皇擗標群后崩
驚隰舟師漲海傾亢尋窠窮幽測昧
百祀國絕興復家成桑梓荒默莫恤
述湯兼文是并勤彼周流協此經營
戎昭誨以三略惠以六韜雲撤周京
西關將旋東道中憇徐豫兼應燕趙
表悠悠聲教綿綿川陸北獻甕襄南
日巢栖玩屋匪惟遐譚靈物借就孰
宿嘉禾連木素鳥皓獸昔之所感謳
德晉猶唐欽曰惚八紘于茲三齡四
萌制規作訓闡校修經禮樂已甄雲
望飛旌衡軻東岱靈遲玉牒金騰天
速梁顛太頽甘殞以贖同軌畢至率
雨響叫如雷史臣考卜高山開基貞
悲孰云不成痛百在茲惟祖之夕流



火始變秋月未求飛漏急箭鳴簫哀
殿旣謝長遂是幸雙蓋躊躇六閑引
辭含鯁奉教百朝執鞭王始從履五
微刀筆頗預遊止垂幕侍講接筵食
晏無早如何一旦緬邈穹昊微容未
霜蕭瑟山海蒼茫地苦情矜節速心
蘇豈忘 宋顏延之武帝謚議曰以爲
者無方故刑于物者不一伏惟道塞
英粹之照正性自天體苞潛躍慮周
而惕故有來其必亨在晉之季皇塗
民屬聖明不假十室之資不籍百乘
消殞薄蝕斯亮登庸之基經綸之始
負固相望荆濮燕亳侯服交侵春言
斥候之所未羈亭激之所不譯莫不
節試請罪款寒來賓故能洒掃中嶽

卷之三十一
三

致廟九山神道會昌實命既集損之而益後身愈先既而儀形帝載損讓
天歷改玉乎文祖班瑞于神宗貫革寢機文武摺笏故辰居兩楹坐一八
表國訓成均之學家沾撫辜之仁大美配天必終之以儉德道固萬葉猶
申之以話言允所謂教思無窮樹之長世取高上代顧邈前王矣

宋孝武帝

沈約宋書曰帝諱駿字休龍小字道民文帝第三子也元凶弒逆舉義兵
克定京邑乃踐帝位年三十五崩在位八年宋謝莊孝武帝哀策
文曰應門洞望馳道南除葢塗已撤鬱鬯將虛哀子嗣皇帝擗標池綽周
遑旌軫攀七緯之崩淪慟三靈之徂盡百神慕而行雲沉萬國哀而素霜
賈衣冠緬邈弓劍不追敢緝謳頌髮髯希夷其辭曰樞電皇根月瑤國緒
胤裔丹陵蟬聯華渚二后在天大行纂武克睿克聖重規襲矩昭昭金式
明明玉溫望雲其遠就日其尊雨露湛冬暖春暄聲芳納麓道昭賓門
上德無稱至功不器怙悵四始優遊六位綴響蘭深緝言瓊秘悠哉梁踐
軫焉分肆敬業開寓離經作翰鴻起荆河鸞遊楚漢泗濱霑明江區承負

陝左清郊棠陰虛館地維不紐乾綱弛機義庭薄蝕紫路流飛泣血派淡
顧瞻川沂孝貴樞極義震寰圍誓鉞皇郊詔師牧甸七景締華五雲卷煽
雪怨園邑掃耻瀛縣啓聖宸共集寶龍見王室多故國步方蹇淮濟裂冠
江荆毀冕東楚亂常西華汨興動筭揮圖爰戡爰剪浹宙斯澄綿區咸鏡
修風曉逸德星夕映溽露飛甘舒雲結慶禎被動植信泊翔泳缺禮克宣
墜章必構方堂饗極圓流肆宵南聳郊宮北清靈囿瑤軒春藉翠華冬狩
經緯窮文克定盡武鄙上呈祥介丘載佇在盈念冗成功弗處榮鏡中世
鳥奕前古睿業初遠鴻化方亭丹雲承日素景騰星玉几去襲綴衣在庭
辭重陽之昭昭降大夜之冥冥氣質炎涼史詔龜筮文物空嚴鑿和虛衛
動蜃輅之透遲顧壁羽之容裔出國門分天地向幽途異身世龍旌整而
青槐遠驚葭亂而白楊翳觀初霜之變條聽秋風之下蒂橋山絙雲穀秋
蔚日輦道結寒松庭盡密芝蓋迫軫上驥眷轡萬寓肅其北較靈阿閱其
深隘南維有時傾離光不常鏡騰英聲與茂實方流華於舞詠



所入
圖
書